



UNIVERSITÄTS-
BIBLIOTHEK
PADERBORN

Universitätsbibliothek Paderborn

Evsebivs || De Euangelica pr[a]eparatione

Eusebius <Caesariensis>

[Augsburg], 1522

VD16 E 4299

De Iudæis secundum Mosem ex Philone Cap. xij.

urn:nbn:de:hbz:466:1-34477

172 DE PRAEPARATIONE EVANGELICA.

in se ipsa continet, pulcherrima atq; perfectissima huius mundi exemplar est, ad quam a creatore deo ab uniuersa substantia mundus simillime formatus est. Hæc Didymus ex sententia Platonis, q; omnia multo altius sapientissimus ille Moses, a quo hæc isti detorserunt brevissime cōscripsit, qui ante hunc Solem, & stellas, & cælum uisibile, qd firmamentū appellat, ante aridā hanc terrā, ante diē & noctē, hāc luce aliā, & diē & noctē aliā a deo & o creatore q; omniū facta fuisse ostēdit. Propheta q; inuisibilē Solē ostendēs, oratiōe deo accōmodata. T̄ imētibus inquit me Sol iustitiae orietur. Ipsam q; iustitiam non dico qualitatem aliquā, sed qualitatis creatricem Hebræorū ille propheta significauit, cum de deo dicat. Quis suscitauit ab oriente iustitiam, uocauit eam in facie eius? Verbi quoq; in prioribus creatorem ab Hebreis appellatū ostendimus. De quo quidem uerbo hæc apud eos feruntur. Qui natus est nobis sapientia a deo, iustitia, & sanctimonia, & redemptio/dicūt enim, & uita, & sapientia, & ueritas, & omnia substantialiter. Subsistit enim & sapientia hæc, & uerbum hoc, ut ab Hebræorum scriptura docemur, quamuis Phylos iudæus scripturæ interpres ac expositor aliter sentire uideatur, quē non est alienum audire.

De Iudeis secundum Mosem ex Phylone. CAP. XII.

Si quis uoluerit inq; significatiōibus uti uerbis, nihil aliud intellectualem dicet esse mundum, q; dei iam creantis uerbum. Nihil enim aliud ciuitas illa intellectualis est, q; creatoris ratio creare iam cogitantis, quod dogma Mosi non meū est. Aperi te nanq; scribit ad imaginē dei hominē esse formatū. Quod si pars imago imaginis est, & uniuersus iste mundus sensibilis ad exemplar diuinæ imaginis factus est; primitiū ergo sigillum, quod intellectualem mundum appellamus, ipsum exemplar est. Primitiua idæa idæarum omnium dei uerbum. In principio autē dicit fecisse deum cælum & terrā, nō secundum tēpus principium intelligens, ut multi putant. Non fuit enim tempus ante mundum, sed aut cum ipso, aut post ipsum. Mensura enim motus tēpus est, motus autē re mota, prior esse non potest, sed aut posterior, aut simul. Quare necesse est tempus aut post mundum, aut una cum eo factum fuisse. Relinquit ergo principium hic numeri esse intelligendum, ut in principio primum

primum accipiat. Et post pauca. Primum igitur cælum fecit incorporale, & terrā inuisibilem aeris idæam & uacui. Quorum alter te nebras, niger enim aer ex natura est, alter⁹ abyssum appellauit. Vacuum enim profundissimum & effusissimum est. Deinde aquæ atque spiritus incorporalem substatiæ, & deniq⁹ septimæ lucis, quæ etiam incorporalis & intellectualis Solis exemplar, & omnium stellarum fuit. Duo autem, spiritus scilicet, & lux digniora uident. Alterum enim dei nominauit, q̄a spiritus uiuacissimus est, uitæ autem deus causa est, alteram autem ualde bonam esse affirmauit. Tanto enim intellectualis lux uisibili hac fulgētior est, ut mihi uideat, quanto Sol tenebris, dies nocte, & intellectus totius animæ dux oculis corporeis. Inuisibilis autem & intellectualis illa lux diuini uerbi est imago, quod generationem eius lucis explicuit, quæ est supercælestis stella, fons sensibilium stellarum, aqua Sol, luna, cæteræq; stellaræ pro uirtute sua fulgorem hauriunt, qui fulgor simplex atque sincerus tantum denigrat, posteaq; immutabilia transierit, quātum ab intellectualibus sensibilia distat. Nihil enim sincerum est eorū quæ sentiuntur, quoniam uero luce facta, tenebrae abierunt, & termini utriuscq; spacij fixi sunt certis uespere & mane. Spacium temporis, quod hinc effectum fuit, diem nuncupauit, & diem non primā, sed unam, quæ dicta est propter intellectualis mundi solitudinem, qui unicam habet naturam. Et sic quidem incorporalis mundus absolutus est, diuino uerbo constitutus, ad cuius exemplar sensibilis creatur, cuius primam partem atq; optimā cælum effecit, & firmamentum appellauit, quia corporeum est. Natura enim firmum atq; solidum corpus est propter trinam dimensionē. Nulla em̄ alia corporis solidi atq; firmi notio est, quam tria dimensio, lure igitur ita nominauit, ut ab intellectuali atq; incorporeo, sensibile, hoc est corporeū distinguaret. Hæc Phylo, quibus consentanea. Clæmens quoq; noster in sexto dicit. Mundum inquit philosophia barbara aliud intelligibilem, aliud sensibilem censet, alterum primitiū, alterum boni exemplaris imaginem, & intelligibilem quidē unitati attribuit. Sensibilem uero sexadi, connubium enim a Pythagoreis sexas dicitur, quia fœcundus numerus est. In unitate igitur cælum inuisibile factum est, & terra sancta, lux intellectualis. In principio enim fecit

G. dcus

274 DE PRAEPARATIONE EVANGELICA

deus cælum & terram, & terra erat inuisibilis. Et subiungit. Et dixit deus: Fiat lux, & facta est lux. In sensibilis autem mundi creatiōe, solidum creauit cælum. quod uero solidum est, sensibile etiam est, terram inuisibilem & lucē, quae cernitur. Hæc latius diximus, ut ostendamus idæas animalium in intelligibili mundo positas, a quibus sensibilia ista secundum Platonem creantur, ab Hebraorum scriptura esse deriuata. Vnde etiam didicit Plato, incorporeas uirtutes & bonas, & contrarias esse.

Ab Hebræis didicit Plato contrarias esse uirtutes.

CAPVT XIII.

Scribit enim in Decimo de legib[us]. Si omnia, quæ quo uolunt mouentur anima gubernat, quare cælum etiam ab anima gubernari non dicimus. Certe inquam dicendum est. Vnumne sicutur, aut plures? pauciores inquam duabus, benefactrice scilicet atq[ue] contraria ponendæ nō sunt. Et post pauca. Cœcessum iam nobis est multarum bonarum uirtutum cælum esse repletum, contrarijs etiam nō uacare. Vnde nobis bellum absq[ue] sine iudicium est, in quo agendo patrocinio nobis opus est. Auxiliatores autē nobis dij & dæmones sunt, nos uero possessio quadam sumus deorum ac dæmonum. Vnde ista Plato adiuuenistis: ego quidem nescio aliud præterq[ue], quod mille annis ante tuam ætatem uulgo apud Hebreos hoc dogma ferebatur. Scribitur enim. Et uenerunt angelii dei, ut coram deo assisterent, & diabolus uenit in medio ipsorum. Diabolum quidē contrariam uirtutem, angelos autem bonos appellauit, quas & uirtutes bonas, & spiritus diuinos, & ministros dei scriptura nominat. Qui facit dicens angelos suos spiritus, & ministros eius ignis flammā. Bellum etiā a contrarijs nobis inferri scriptura significat dicens. Nō esse nobis hanc luctationē aduersus carnē & sanguinē, sed aduersus principatus, potestates, & principes huius mundi, aduersus spiritualia negotiæ in cœlestibus. Cum autē possessionē nos deo & dæmonum censeat, illud mosaicum traduxisse uidetur, quo dicitur. Quando altissimus gentes partiebat, disseminauit filios Adam, & constituit terminos gentium secundū numerum angelorum dei.

Quod animi quoq[ue] immortalitatem ab Hebræis Plato didicerit.

CAPVT XIII.

At de

